

da fint si rat geben.

*235* daz habent si umbe got irworuen.

daz si lebent imir ane groze forgen.

fwa iz zeder note gescah.

5 da man fluc unde stach.

so ne gesamnoten sich nie zwelue.

*240* so uzer koren helde.

man uant si zaller uorderost.

si waren der cristin trost.

10 **D**o redete der biscof.

def frûte sich allir der hof.

*245* wol ir heiligin pilgerime.

nu lat wol schinin.

durch waz ir uz sit kommen.

15 unt daz heilige cruce habet genümin.

daz ist def tuelis ungemach.

*250* want im nie fo leide gescach.

also er def wirdit innen.

so muz er intrinnen.

20 iz truc selbe im selbe herre.

di sine uil fûze lere.

*255* hat er uns uor getragen.

wir sculn ime allez nachuaren.

lernen den selbin ganc.

25 trinket den kelh den er tranc.

eret daz uil heilige cruce.

*260* mine uil libin lûte.

minnet sibin tagezit.

daz retet der kuninc dauid.

30 ir scult spade unt fru sin.

so erhoret uch min trechtin.

*265* uwer spise si gemeine.

daz herze machet reine.

ze ware sagen ich iz iu.

## IV.